

উপজেলা পরিষদ

নকলা, শেরপুর

নকলা উপজেলা পরিষদের সেপ্টেম্বর ২০২৫ মাসের মাসিক সভার কার্যবিবরণীঃ

সভাপতি	ঃ মোঃ জাহাঙ্গীর আলম
সভার স্থান	ঃ প্রশাসক, উপজেলা পরিষদ ও উপজেলা নির্বাহী অফিসার, নকলা, শেরপুর
তারিখ ও সময়	ঃ উপজেলা পরিষদ হল রুম, নকলা, শেরপুর
সভার উপস্থিতি	ঃ ২৫/০৯/২০২৫ খ্রি., বেলা ১১.০০ ঘটিকা
	ঃ পরিশিষ্ট-“ক”

সভাপতি সকলকে শুভেচ্ছা ও স্বাগত জানিয়ে আলোচ্যসূচি মোতাবেক সভার কাজ শুরু করেন। সভা শুরুতে বিগত সভার কার্যবিবরণী পাঠ করা হয়। কার্যবিবরণীতে কোন সংশোধনী না থাকায় তা সর্বসম্মতিক্রমে দৃঢ়ীকরণ করা হয়। অতঃপর আলোচ্যসূচি অনুযায়ী বিভিন্ন বিভাগের কার্যক্রম আলোচনা করা হয় এবং সিদ্ধান্ত গৃহীত হয়।

ক্রম	আলোচনা	সিদ্ধান্ত	বাস্তবায়নে
০১	প্রশাসক, নকলা পৌরসভা : প্রশাসক, নকলা পৌরসভা সভায় জানান যে, নকলা পৌরসভার কার্যক্রম স্বাভাবিকভাবে চলছে। তিনি সকলের সার্বিক সহযোগিতা কামনা করেন।	বিধি মোতাবেক সকল কার্যক্রম পরিচালনা করার অনুরোধ জানানো হয়।	প্রশাসক, নকলা পৌরসভা, শেরপুর
০২	উপজেলা কৃষি বিভাগঃ উপজেলা কৃষি কর্মকর্তা সভায় জানান যে, ২০২৫-২০২৬ অর্থবছরে খরিপ-২ মৌসুমে ১৩১১১ হে. জমিতে রোপা আমন আবাদ অর্জিত হয়েছে, যার মধ্যে হাইব্রিড ৭১৩৫ হে., উফশী ৪৭৬৩ হে. এবং স্থানীয় ১২১৩ হে.। আবহাওয়া অনুকূলে থাকলে ভালো ফলন আশা করা যাচ্ছে। উপজেলায় বর্তমান অর্থবছরে সবজি আবাদের লক্ষ্যমাত্রা ৬১৮ হে. যার মধ্যে ৬০০ হে. অর্জন। উপজেলায় বীজ ও রাসায়নিক সারের কোনো সংকট নেই। মাঠ পর্যায়ে ব্যক্তিগত যোগাযোগ, উঠান বৈঠক, গ্রুপভিত্তিক আলোচনা, মাঠ দিবসসহ উদ্বুদ্ধকরণ কার্যক্রম চলমান রয়েছে। কৃষি যান্ত্রিকীকরণ প্রকল্পের আওতায় গুদাম নির্মাণের জন্য উপজেলা পরিষদের সম্মতি প্রয়োজন মর্মে তিনি উল্লেখ করেন। এছাড়া অন্যান্য কার্যক্রম স্বাভাবিক গতিতে চলছে।	(১) লক্ষ্যমাত্রা অনুযায়ী আবাদের হার শতভাগ অর্জনের জন্য কার্যকর ব্যবস্থা গ্রহণের সিদ্ধান্ত গৃহীত হয়। (২) মাঠ পর্যায়ে কৃষকদের সাথে যোগাযোগ, উঠান বৈঠকসহ অন্যান্য কার্যক্রম অব্যাহত রাখার সিদ্ধান্ত গৃহীত হয়। (৩) কৃষি প্রণোদনা উপযুক্ত কৃষককে প্রদানের সিদ্ধান্ত গৃহীত হয়। (৪) সার ও বীজ মজুদ, বিক্রয় ও বিতরণ কার্যক্রম নিয়মিত তদারকি করার সিদ্ধান্ত গৃহীত হয়।	উপজেলা কৃষি অফিসার, নকলা, শেরপুর
০৩	উপজেলা স্বাস্থ্য বিভাগঃ নকলা উপজেলা স্বাস্থ্য কমপ্লেক্সে চলতি মাসে জরুরী বিভাগে ২১৩০ জন, বর্ধিত বিভাগে ১৮৬৫১ জন, অন্তঃ বিভাগে ১১৫২ জন। IMCI তে ১৭৬৯ জন। ডায়রিয়া ওয়ার্ডে ১৫৬ জন এবং Poisoning জনিত কারণে ০১ জন সেবা গ্রহণ করেছেন। মারামারি-জনিত কারণে ৯০ জন রোগী ভর্তি হয়েছেন। মোট ১৯টি মেডিকেল সার্টিফিকেট প্রদান করা হয়েছে সবগুলোই সাধারণ। ২৪টি সিসি থেকে মোট ১৭৫৪০ জন রোগীর সেবা প্রদান করা হয়েছে। মোট ১০১ টি নরমাল ডেলিভারী করানো হয়েছে এবং ৬৩ জনকে ভায়া টেস্ট করানো হয়েছে। বেড অনকুপেন্সি রেট ১৬৫%। ANC কর্ণার-৩৫১ জন, PNC কর্ণার-১২৯ জনকে সেবা দেওয়া হয়েছে। করোনা রোগীদের নমুনা সংগ্রহের পাশাপাশি সকাল ০৯.০০ টা থেকে দুপুর ১২.০০ টা পর্যন্ত প্যাথলজির কার্যক্রম চলছে। যক্ষ্মা রোগীদের জন্য উন্নতমানের জিন এক্সপার্ট ল্যাব স্থাপন করা হয়েছে। যেখানে প্রতিদিন কাশি পরীক্ষা করা হয়। মোট ৩৯৪০টি প্যাথলজি পরীক্ষা হয়েছে। মোট ৫৬ জনকে ব্লাড ট্রান্সফোশন করা হইয়াছে। মোট ৮৫ টি X-ray করা হয়েছে এবং মোট ১৪৩ টি ECG করানো হয়েছে। অদ্যাবধি স্বাস্থ্যবিধি অনুসরণ করে অন্যান্য কার্যক্রম স্বাভাবিক নিয়মে চলছে।	(১) হাসপাতালের চিকিৎসা সেবার মান নিশ্চিত করণের বিষয়ে সিদ্ধান্ত গৃহীত হয়। (২) নির্ধারিত বিধি মোতাবেক রোগীদের পরীক্ষাসহ অন্যান্য কার্যক্রম পরিচালনা সিদ্ধান্ত গৃহীত হয়। (৩) মেডিকেল বর্জ্য ও পঁচনশীল বর্জ্য নিয়মিতভাবে পরিষ্কার পরিচ্ছন্ন করার বিষয়ে সিদ্ধান্ত গৃহীত হয়। (৫) টাইফয়েড ভ্যাক্সিনের বিষয়ে ব্যাপক প্রচার-প্রচারনা কার্যক্রম গ্রহণের সিদ্ধান্ত গৃহীত হয়।	উপজেলা স্বাস্থ্য ও পরিবার পরিকল্পনা কর্মকর্তা, নকলা, শেরপুর
০৪	উপজেলা প্রাণিসম্পদ বিভাগঃ উপজেলা প্রাণিসম্পদ কর্মকর্তা সভায় জানান যে, আগামী ২৮ সেপ্টেম্বর, ২০২৫ খ্রি. তারিখে বিশ্ব জলাতরু দিবস পালিত হবে। দিবসটি উদযাপনের লক্ষ্যে অত্র বিভাগ হতে নকলা উপজেলায় পোষা বিড়াল ও কুকুরকে ৫০ ডোজ জলাতরু রোগের টিকা বিনামূল্যে প্রদান করা হবে। পিপিআর রোগ নির্মূলের লক্ষ্যে উক্ত উপজেলায় ২য় ডোজ ভ্যাক্সিনেশন থেকে বাদ পড়া ১৫০০০ হাজার ছাগল ভেড়াকে বিনামূল্যে পিপিআর রোগের টিকা প্রদান করা হয়েছে। পিজি ও ননপিজি খামারীদের গরু মহিষকে ৩৯০০ ডোজ এলএসডি ভ্যাক্সিন প্রদান করা হয়েছে। চলতি মাসে ৪৫৪১টি গবাদিপশু ও ৪৩৩৩টি হাঁস মুরগীর টিকা প্রদান করা হয়েছে, ১৮৮৩টি গবাদিপশু ও ১৬৮০০ টি হাঁস মুরগীর চিকিৎসা প্রদান করা হয়েছে, ৭৪২টি গবাদিপশুর কৃত্রিম প্রজনন ও ৩৩৩ টি সংকর জাতের বাছুর উৎপাদিত হয়েছে। এছাড়াও উপজেলা প্রাণিসম্পদ দপ্তর ও ভেটেরিনারি হাসপাতাল, নকলা, শেরপুর এর অফিস আঙ্গিনায় মাটি ভরাট করা প্রয়োজন। এছাড়া অন্যান্য কার্যক্রম স্বাভাবিক গতিতে চলছে।	(১) গবাদিপশুর চিকিৎসা সেবা ও খামারীদের পরামর্শ প্রদান কার্যক্রম যথানিয়মে সম্পন্ন করার সিদ্ধান্ত গৃহীত হয়। (২) গবাদিপশু ও পোষা প্রাণীর টিকাদান কার্যক্রম বিধি মোতাবেক সম্পাদনের সিদ্ধান্ত গৃহীত হয়।	প্রশাসক, নকলা পৌরসভা ও উপজেলা প্রাণিসম্পদ অফিসার, নকলা, শেরপুর

চলমান পাতা-০২

০৫	উপজেলা মৎস্য বিভাগঃ সিনিয়র উপজেলা মৎস্য কর্মকর্তা সভায় জানান যে, অত্র দপ্তরের কার্যক্রম স্বাভাবিক রয়েছে। চলতি মাসে চন্দ্রকোনা বাজারে মোবাইল কোর্টের মাধ্যমে ৪০ কেজি নিষিদ্ধ ঘোষিত পিরানহা মাছ জব্দ করা হয় এবং তা মাটিতে পুতে বিনষ্ট করা হয়। এছাড়া ০৪-২৫ অক্টোবর তারিখে মা ইলিশ সংরক্ষণ অভিযান-২০২৫ পরিচালিত হবে। মৎস্য চাষীদের প্রশিক্ষণ, পরামর্শ প্রদান, খামার পরিদর্শন পুকুর পরিদর্শন মাটি-পানির গুণাগুণ পরীক্ষা ও অন্যান্য কার্যক্রম স্বাভাবিকভাবে চলমান রয়েছে।	(১) মৎস্য চাষীদের প্রশিক্ষণ, খামার ও পুকুর পরিদর্শন, মাটির গুণাগুণ পরীক্ষাসহ অন্যান্য কার্যক্রম জোরদার করণের সিদ্ধান্ত গৃহীত হয়। (২) সরকারি জলাশয়/জলমহালগুলোর বর্তমান সার্বিক অবস্থা সম্পর্কে প্রতিবেদন দাখিলের সিদ্ধান্ত গৃহীত হয়।	সিনিয়র উপজেলা মৎস্য কর্মকর্তা, নকলা, শেরপুর
০৬	উপজেলা পরিবার পরিকল্পনা বিভাগঃ সহকারী পরিচালক, সভায় জানান যে, চলতি মাসে মোট খাবার বড়ি ৯৫৮ জন, কনডম ১৯৯৮ জন, ইনজেকশন ৫৭৬ জন, আইইউডি ১৫ জন, ইম্প্ল্যান্ট ৭২ জন, পুরুষ বন্ধ্যাকরণ ৮৩ জন, মোট পদ্ধতি গ্রহণকারী ৩৫৫৪২ জন, গ্রহণকারীর হার ৭৫.১৭ %। চলতি মাসে মা ও শিশু স্বাস্থ্য সেবার তথ্য মোট গর্ভবতী ১৬৬২ জন, গর্ভবতী পরিচর্যা ৪১৫ জন। জন্ম ২৪ জন, মৃত্যুর সংখ্যা ০০জন, শিশু পরিচর্যা ১০৫৬ জন, সাধারণ রোগী পরিচর্যা ৬১৬৫ জন। এ ছাড়াও বিভাগের অন্যান্য কার্যক্রম স্বাভাবিকভাবে চলছে।	(১) বিধি মোতাবেক জন্ম নিয়ন্ত্রণ, মা ও শিশুর পরিচর্যা কার্যক্রম পরিচালনার সিদ্ধান্ত গৃহীত হয়। (২) আশ্রয়ণ/গৃহস্থামে কার্যক্রম জোরদার ও স্থায়ী জন্ম নিয়ন্ত্রণ পদ্ধতির হার বৃদ্ধি করণের সিদ্ধান্ত গৃহীত হয়। (৩) ইউনিয়ন পরিবার পরিকল্পনা কেন্দ্রগুলো নিয়মিত তদারকি করার সিদ্ধান্ত গৃহীত হয়।	উপজেলা পরিবার পরিকল্পনা কর্মকর্তা, নকলা, শেরপুর
০৭	উপজেলা মাধ্যমিক শিক্ষা বিভাগঃ উপজেলা মাধ্যমিক শিক্ষা অফিসার, নকলা সভায় জানান যে, ৫২তম গ্রীষ্মকালীন জাতীয় স্কুল, মাদ্রাসা ও কারিগরি শিক্ষা সমিতির খেলা গত ১৭ সেপ্টেম্বর ২০২৫ খ্রি, তারিখে নকলা উপজেলার প্রতিষ্ঠানসমূহে শুরু হয়েছে। উপজেলা পর্যায়ে খেলা আগামী ৩০/০৯/২০২৫ খ্রি তারিখে মধ্যে শেষ করতে হবে। খেলাসমূহঃ হ্যান্ডবল, কাবাডি, দাবা, সাঁতার। আগামী ৩০/০৯/২০২৫ খ্রি. তারিখে বিকাল: ৩.০০ ঘটিকায় নকলা সরকারি পাইলট উচ্চ বিদ্যালয় মাঠে অনুষ্ঠিত হবে। উক্ত খেলায় সকলের সহযোগিতা ও উপস্থিতি হওয়ার জন্য আমন্ত্রণ জানাচ্ছি। এছাড়াও শিক্ষা প্রতিষ্ঠান পরিদর্শন কার্যক্রম প্রতিষ্ঠানের শিক্ষকগণের সাথে মত বিনিময়ের মাধ্যমে ০২টি প্রতিষ্ঠানের অর্ন্তদ্বন্দ্ব, নিরসন করা হয়েছে। এ চেষ্টা অব্যাহত থাকবে। অত্র বিভাগের বিভাগীয় কার্যক্রম স্বাভাবিক ভাবে চলছে।	(১) মানসম্মত মাধ্যমিক শিক্ষা নিশ্চিতকরণে প্রয়োজনীয় কার্যকর পদক্ষেপ গ্রহণের সিদ্ধান্ত গৃহীত হয়। (২) প্রতিটি শিক্ষা প্রতিষ্ঠানে অভিভাবক সমাবেশ/মা সমাবেশ আয়োজনপূর্বক প্রতিবেদন দাখিলের সিদ্ধান্ত গৃহীত হয়।	উপজেলা মাধ্যমিক শিক্ষা অফিসার, নকলা, শেরপুর
০৮	উপজেলা প্রাথমিক শিক্ষা বিভাগঃ উপজেলা প্রাথমিক শিক্ষা অফিসার, নকলা সভায় জানান যে, অত্র দপ্তরের কার্যক্রম স্বাভাবিক ভাবে চলছে কোন সমস্যা নাই। সকলের সহযোগিতা কামনা করেন। অত্র বিভাগের বিভাগীয় কার্যক্রম স্বাভাবিক ভাবে চলছে।	(১) মানসম্মত প্রাথমিক শিক্ষা নিশ্চিতকরণে প্রয়োজনীয় কার্যকর পদক্ষেপ গ্রহণের সিদ্ধান্ত গৃহীত হয়। (২) প্রাথমিক বিদ্যালয়গুলো নিয়মিত পরিদর্শনপূর্বক প্রতিবেদন দাখিলের বিষয়ে সিদ্ধান্ত গৃহীত হয়।	উপজেলা শিক্ষা অফিসার, নকলা, শেরপুর
০৯	উপজেলা পল্লী উন্নয়ন বিভাগঃ উপজেলা পল্লী উন্নয়ন অফিসার সভায় জানান যে, নকলা উপজেলায় চলতি মাসের ০৮টি প্রকল্প/কর্মসূচি ১৭০ জন সুফলভোগী সদস্যদের মাঝে ১৫১.০৯ (লক্ষ টাকা)। ২০২৫-২৬ অর্থবছরে ঋণ বিতরণ করা হয়েছে। উল্লেখিত উক্ত মাসসহ বছরে আদায় ১৩৩.৪৪ (লক্ষ টাকা)। ২০২৫-২৬ অর্থবছরে ঋণ আদায় করা হয়েছে। কোন প্রকল্পের খেলাপী ঋণ বৃদ্ধি পায় নাই। এছাড়া দপ্তরের অন্যান্য কার্যক্রম স্বাভাবিক আছে।	(১) আইন-বিধি মোতাবেক ঋণ প্রদান ও আদায় এবং প্রশিক্ষণ কার্যক্রম পরিচালনা করার সিদ্ধান্ত গৃহীত হয়। (২) বিআরডিবি'র মালিকানাধীন বাসা বাড়িতে বসবাস-কারীদের তথ্য হালনাগাদ করণ এবং বাসা ভাড়া নিয়মিত আদায় করার সিদ্ধান্ত গৃহীত হয়।	উপজেলা পল্লী উন্নয়ন কর্মকর্তা, নকলা, শেরপুর
১০	উপজেলা সমাজসেবা বিভাগঃ উপজেলা সমাজসেবা কর্মকর্তা জানান যে, উপজেলা সমাজসেবা কার্যালয় কর্তৃক বাস্তবায়িত সামাজিক নিরাপত্তা কর্মসূচির আওতায় বিভিন্ন ভাতা কার্যক্রমের মধ্যে ২০২৫-২৬ অর্থবছরের ১ম কিস্তির পে-রোল প্রদান করা হয়েছে। মৃত, নিরুদ্দেশ, অযোগ্যদের পরিবর্তে নতুন ভাতাভোগী নির্বাচনের জন্য সংশ্লিষ্ট ইউনিয়ন পরিষদের কমিটি এবং অন্যান্যদের সমন্বয়ে কার্যক্রম চলমান। সুদমুক্ত ক্ষুদ্রঋণ কার্যক্রম, সমাজকল্যাণ পরিষদ অনুদান, রোগীকল্যাণ সমিতির সহায়তা, প্রবেশন ও শিশুসুরক্ষা কার্যক্রম, বেসরকারী এতিমখানায় ক্যাপিটেশন গ্রান্ট প্রতিবন্ধী সেবাসহ অন্যান্য সকল কার্যক্রম স্বাভাবিকভাবে চলমান রয়েছে। এছাড়াও হ্যাকার/প্রতারক হতে সতর্ক থাকার জন্য সচেতনতা বৃদ্ধিতে সকলের সহযোগিতার অনুরোধ করা হলো।	(১) আইন-বিধি মোতাবেক ভাতা প্রদানসহ অন্যান্য কার্যক্রম পরিচালনা করার সিদ্ধান্ত গৃহীত হয়। (২) পুনর্বাসিত ভিক্ষুকগণ যাতে পুনরায় ভিক্ষাবৃত্তিতে না জড়ায় সে বিষয়ে তদারকি করার সিদ্ধান্ত গৃহীত হয়।	উপজেলা সমাজসেবা কর্মকর্তা, নকলা, শেরপুর
১১	উপজেলা মহিলা বিষয়ক বিভাগঃ উপজেলা মহিলা বিষয়ক কর্মকর্তা সভায় জানান যে, ২০২৫-২৬ অর্থবছরে অত্র উপজেলার (ভিডব্লিউবি) কর্মসূচি নতুন চক্রের সেপ্টেম্বর/২০২৫ মাসের ডিও জারি করা হয়েছে। খ) মা ও শিশু সহায়তা কর্মসূচির সেপ্টেম্বর/২০২৫ মাসের আবেদন চলমান রয়েছে। ইউনিয়ন পর্যায়ে প্রাথমিক যাচাই-বাছাই চলমান রয়েছে।	(১) সরকারি নির্দেশনা মোতাবেক ভিডব্লিউবি কর্মসূচি বাস্তবায়নের সিদ্ধান্ত গৃহীত হয়। (২) মহিলাদের সেলাই প্রশিক্ষণ কার্যক্রম যথাযথভাবে সম্পন্ন করার বিষয়ে সিদ্ধান্ত গৃহীত হয়।	উপজেলা মহিলা বিষয়ক কর্মকর্তা, নকলা, শেরপুর

গ) মহিলা সেলাই প্রশিক্ষণ কেন্দ্রের অক্টোবর/২০২৫ হতে ডিসেম্বর/২০২৫ মাসের প্রশিক্ষার্থী বাছাই এর মৌখিক পরীক্ষা গত ২৪/০৯/২০২৫ খ্রি. তারিখে নেওয়া হয়েছে। ঘ) নকলা উপজেলায় স্বেচ্ছাসেবী মহিলা উন্নয়ন সমিতি রয়েছে ০৯টি। নিয়মিত পরিদর্শন করা হচ্ছে। সমিতির উন্নয়নের জন্য অনুদানের লক্ষে জেলায় প্রতিবেদন প্রেরণ করা হবে। ঙ) পৌরসভা-১টি এবং ইউনিয়ন-৯টি কিশোর-কিশোরী ক্লাব রয়েছে। প্রতি শুক্র ও শনিবার বিকাল ৩-৫ টা পর্যন্ত জেডার, সংস্কীত ও আবৃত্তি বিষয়ক প্রশিক্ষণ দেওয়া হয় এবং শিক্ষার্থীদের মাঝে নাস্তা সরবরাহ করা হয়। চ) চলতি মাসে ১টি বাল্য বিবাহ প্রতিরোধ করা হয়েছে। নারী নির্যাতন সংক্রান্ত কোন অভিযোগ পাওয়া যায়নি। গ) অত্র দপ্তরের অন্যান্য সকল কার্যক্রম স্বাভাবিক আছে।	(৩)বিধি মোতাবেক কিশোর-কিশোরী ক্লাব পরিচালনা করার সিদ্ধান্ত গৃহীত হয়।	
১২ উপজেলা সমবায় বিভাগ : উপজেলা সমবায় অফিসার, নকলা শেরপুর, সভায় জানান যে, নকলা উপজেলায় কেন্দ্রীয় সমবায় ০২(দুই)টি সমিতির রয়েছে। ২০২৫-২৬ সনে প্রাথমিক সমবায় সমিতির সংখ্যা-১০৭টি, ২০২৫-২৬ সনে নিবন্ধিত প্রাথমিক সমবায় সমিতির সংখ্যা-০০টি। সর্বমোট-১০৭টি সমিতি রয়েছে। অডিট যোগ্য সমবায় সমিতির সংখ্যা ৯৬টি। চলতি মাসে পর্যন্ত অডিট সম্পাদন-২৩টি। শেয়ার মূলধনের পরিমাণ ৯৮,৮৭,৫০০/-টাকা। সঞ্চয় আমানতের পরিমাণ ৫,১০,৮২,০০০/-টাকা। ২০২৪-২০২৫ আদায়কৃত অডিট সেস ২৩,৭৩০/-টাকা। আদায়কৃত সিডিএফ-৭,০৫৮/-। শতভাগ অডিট সেস ও সিডিএফ এর অর্থ আদায় পূর্বক সরকারি কোষাগারে জমা প্রদান করা হয়েছে। আশ্রয়ণ প্রকল্প (ফেইজ-২)ঃ চলতি মাস পর্যন্ত গনপদী আশ্রয়ণ প্রকল্প ফেইজ-২ এর সদস্যদের মাঝে ২,৮০,০০০/-টাকা ঋণ বিতরণ করা হয়েছে। চলতি মাস পর্যন্ত আদায়ের পরিমাণ ২৯,৫০০/-টাকা। খেলাপী ঋণের পরিমাণ ২,৫০,৫০০/-টাকা। আশ্রয়ণ প্রকল্প ফেইজ-২ এর ব্যারাক সংখ্যা ০৪টি, সদস্য সংখ্যা ৭৯ জন, মৃত্যু বরণ করেছেন ০৩জন। বর্তমানে ০৯জন সদস্য ব্যারাক হাউজে অবস্থান করেন। অবশিষ্ট সদস্য অন্যত্র বসবাস করে বিধায় ঋণ আদায় কার্যক্রম ব্যাহত হচ্ছে। উল্লেখ্য যে উন্নত জাতের গাভী পালন প্রকল্প অত্র উপজেলায় দুইটি নারী উন্নয়ন সমবায় সমিতি রয়েছে। ক) নারায়নখোলা নারী উন্নয়ন সমবায় সমিতি লিঃ, খ) বাছুর আলগা নারী উন্নয়ন সমবায় সমিতি লিঃ উক্ত সমবায়ের সদস্য সংখ্যা যথাক্রমে ১২১+১২২=২৪৩ জন। ঋণ গ্রহীতার সংখ্যা ১০০+১০০=২০০ জন। ঋণ বিতরণের পরিমাণ (আবর্তক ঋণসহ) ৫,৩০,০০,০০০/-টাকা। এ পর্যন্ত সার্ভিস চার্জসহ আদায় যোগ্য ঋণের পরিমাণ ৩২,২৪,০০০/- টাকা। আদায় হার ৯০%। অন্যান্য বিভাগীয় কার্যক্রম সুষ্ঠুভাবে সম্পাদন করা হচ্ছে।	(১) আইন-বিধি মোতাবেক ঋণ প্রদান ও আদায় কার্যক্রম পরিচালনা করার সিদ্ধান্ত গৃহীত হয়। (২) আশ্রয়ণ প্রকল্পের ঋণ গ্রহীতাদের হালনাগাদ তথ্যাদি সংগ্রহপূর্বক ঋণ আদায় করার সিদ্ধান্ত গৃহীত হয়। (৩) নিবন্ধিত সমবায় সমিতির তদারকি ও অডিট কার্যক্রম যথাযথ সম্পন্ন করার সিদ্ধান্ত গৃহীত হয়।	উপজেলা সমবায় অফিসার, নকলা, শেরপুর
১৩ উপজেলা যুব উন্নয়ন অফিস : উপজেলা যুব উন্নয়ন কর্মকর্তা সভায় জানান যে, উপজেলায় কর্মপ্রত্যাশী যুবদের দক্ষতা বৃদ্ধি মূলক প্রশিক্ষণ কার্যক্রম চলমান রয়েছে। পাশাপাশি প্রশিক্ষিত যুবদের কর্মসংস্থানের জন্য যুব ঋণ বিতরণ ও আদায় কার্যক্রম সুষ্ঠুভাবে পরিচালিত হচ্ছে। এছাড়াও বিভাগীয় অন্যান্য কার্যক্রম স্বাভাবিকভাবে চলছে।	(১) আইন-বিধি মোতাবেক ঋণ প্রদান ও আদায় কার্যক্রম পরিচালনা করার সিদ্ধান্ত গৃহীত হয়। (২) বেকার যুবদের প্রাধান্য দিয়ে কার্যক্রম বাস্তবায়ন করার সিদ্ধান্ত গৃহীত হয়।	উপজেলা যুব উন্নয়ন কর্মকর্তা, নকলা, শেরপুর
১৪ উপজেলা খাদ্য বিভাগ : উপজেলা খাদ্য নিয়ন্ত্রক, নকলা শেরপুর সভায় জানান যে, মজুদ ব্যবস্থাপনা খাদ্য গুদামের অদ্যকার মজুদ চাল সিদ্ধ ১১১১.৯০০ মেঃ টন ও গম ৮৯.৮৪২ মেঃটন নকলা উপজেলার আপদকালীন মজুদ হিসাবে সংরক্ষিত আছে। খ) সংগ্রহ কার্যক্রমঃ নেই গ) বিতরণ কার্যক্রমঃ টিসিবি খাতে ওএমএস এর বরাদ্দকৃত চাল সংশ্লিষ্ট ডিলারের মাধ্যমে বিতরণ করা হয়েছে। ঘ) বাজার মনিটরিংঃ উপজেলা খাদ্য বিভাগের পক্ষ থেকে প্রতিদিন বাজার মনিটরিং করা হচ্ছে। বর্তমান বাজারে চালের দাম স্বাভাবিক আছে। মনিটরিং কালে উপজেলার রাইসমিল, খুচরা/পাইকারী বিক্রয় দোকানে মজুদ পরিমাণ স্বাভাবিক রয়েছে। মূল্য বৃদ্ধির লক্ষ্যে কোন ব্যবসায়ী/মিল মালিক অসৎ উদ্দেশ্যে অতিরিক্ত মজুদ করার কোন প্রমাণ পরিলক্ষিত হয় নাই। এছাড়াও অত্র দপ্তরের অন্যান্য সকল কার্যক্রম স্বাভাবিক আছে।	নির্ধারিত আইন-বিধি মোতাবেক ওএমএস ও খাদ্যবান্ধব কর্মসূচি এবং অন্যান্য কার্যক্রম পরিচালনা করার সিদ্ধান্ত গৃহীত হয়।	উপজেলা খাদ্য নিয়ন্ত্রক, নকলা, শেরপুর

১৫	উপজেলা দারিদ্র্য বিমোচন ফাউন্ডেশন (পিডিবিএফ) বিভাগঃ উপজেলা দারিদ্র্য বিমোচন অফিসার, নকলা সভায় জানান যে, চলতি মাসে ১৫.৭৫ লক্ষ টাকা ঋণ বিতরণ করা হয়েছে। আদায়ের হার ৯৮% স্বয়ম্ভরতার হার ১২০%। অত্র কার্যালয়ে মোট কর্মকর্তা/কর্মচারীর সংখ্যা ১০জন। বিভাগের কার্যক্রম স্বাভাবিকভাবে চলছে, কোন প্রকার সমস্যা নেই।	(০৪)	নির্ধারিত আইন-বিধি মোতাবেক সকল কার্যক্রম পরিচালনা করার সিদ্ধান্ত গৃহীত হয়।	উপজেলা দারিদ্র্য বিমোচন কর্মকর্তা, নকলা, শেরপুর
১৬	উপজেলা জনস্বাস্থ্য প্রকৌশল অফিসঃ উপজেলা জনস্বাস্থ্য প্রকৌশলী সভায় জানান যে, সমগ্রদেশে নিরাপদ পানি সরবরাহ প্রকল্পের আওতায় ২০২৪-২০২৫ অর্থবছরের টিউবওয়েল স্থাপনের কাজ চলমান। এছাড়া অন্যান্য সকল কাজ স্বাভাবিক গতিতে চলছে।		বিধি মোতাবেক টিউবওয়েল স্থাপনের কার্যক্রম পরিচালনা করার সিদ্ধান্ত গৃহীত হয়।	উপজেলা জনস্বাস্থ্য প্রকৌশল, নকলা, শেরপুর
১৭	উপজেলা প্রকল্প বাস্তবায়ন অফিসঃ উপজেলা প্রকল্প বাস্তবায়ন কর্মকর্তা, নকলা সভায় জানান যে, ২০২৫-২০২৬ অর্থবছরে টিআর (নগদ অর্থ) কর্মসূচির আওতায় অত্র উপজেলায় বরাদ্দের পরিমান-৮৯,৮৪,৩৯৯.২০ পাওয়া গিয়েছে। ২০২৫-২০২৬ অর্থবছরে কাবিটা/কাবিখা (নগদ অর্থ/চাল/গম) কর্মসূচির আওতায় অত্র উপজেলায় বরাদ্দের পরিমান-১,০৮,৬৮,১৬০.২২ টাকা, চাল=৬৪.৭৭৭১ মে:টন এবং গম=৬৪.৭৭৭১ মে:টন। উপরে উল্লেখিত বরাদ্দের বিপরীতে ইউনিয়নওয়ারী বিভাজন করে প্রকল্প চাওয়া হয়েছে। ২০২৫-২০২৬ অর্থ বছরে জিআর (শুকনা খাবার/গো-খাদ্য/শিশু খাদ্য) এগুলোও ইউনিয়নওয়ারী প্রান্তিক অসহায়, দুঃস্থ মানুষের মাঝে বিতরণ করা হয়। এছাড়া দুর্যোগ ব্যবস্থাপনা শাখার স্বাভাবিক কার্যক্রম যথারীতি চলমান রয়েছে।		(১) বিগত অর্থবছরে বাস্তবায়িত কাজ সরেজমিনে পরিদর্শন করার সিদ্ধান্ত গৃহীত হয়। (২) প্রতিটি ইউনিয়নের জন্য বাস্তবায়নযোগ্য প্রকল্পের অগ্রাধিকার তালিকা প্রণয়নের সিদ্ধান্ত গৃহীত হয়।	উপজেলা প্রকল্প বাস্তবায়ন অফিসার, নকলা, শেরপুর
১৮	বিএডিসিঃ উপপরিচালক (টিসি), বিএডিসি হিমাগার, নকলা সভায় জানান যে, নকলা জোনের আওতায় চলতি ২০২৪-২০২৫ অর্থবছরের সংগ্রহ মৌসুমে বিভিন্ন জাত ও শ্রেণির সর্বমোট ২১১৩.০০ মে. টন বীজআলু সংরক্ষণ করা হয়েছে। সংরক্ষিত বীজআলুর গুণগত মান সন্তোষজনক। ২০২৫-২৬ অর্থবছরের উৎপাদন বর্ষে ২৬০ একর জমিতে বীজআলু উৎপাদনের কর্মসূচি পাওয়া গেছে এবং কর্মসূচি অনুযায়ী চূড়ান্ত ব্লক নির্বাচন করা হয়েছে। এছাড়া দপ্তরের অন্যান্য কার্যক্রম স্বাভাবিক ভাবে চলছে।		বিধি মোতাবেক সকল কার্যক্রম পরিচালনা করার সিদ্ধান্ত গৃহীত হয়।	উপ-পরিচালক (টিসি), বিএডিসি আলু বীজ হিমাগার, নকলা, শেরপুর
১৯	উপজেলা প্রকৌশলী অফিসঃ উপজেলা প্রকৌশলী, এলজিইডি, নকলা, শেরপুর সভায় জানান যে, নকলা উপজেলার এডিপি কর্মসূচির আওতায় ২০২৪-২৫ অর্থবছরের বার্ষিক উন্নয়ন কর্মসূচি এডিপির ১ম কিস্তির প্রকল্পে কাজ শতভাগ সম্পন্ন হয়েছে। ২০২৫-২৬ অর্থবছরের বার্ষিক উন্নয়ন কর্মসূচি এডিপির ১ম কিস্তির বরাদ্দ পাওয়া গেছে। তিনি অগ্রাধিকার ভিত্তিতে এপিপির প্রকল্পের তালিকা দাখিল করার জন্য আহবান জানান। তিনি আরো জানান যে, উপজেলা পরিষদের অভ্যন্তরস্থ আবাসিক ভবনসমূহে দরজা, জানালা ভেঙ্গে গিয়েছে এবং অভ্যন্তরীণ পলস্তুরা ও রং খসে পড়েছে। এছাড়াও বাথরুমের বেসিন, কমেড, ও পানির পাইপ ও ট্যাপ পরিবর্তন করা প্রয়োজন তিনি উল্লিখিত ভবনসমূহ মেরামতের লক্ষ্যে ২,০০,০০০/- (দুই লক্ষ) টাকার একটি প্রকল্পের প্রাক্কলন সভায় উপস্থাপন করেন। তিনি আরো জানান যে, নকলা উপজেলাধীন ডিজিটাল সংযোগ স্থাপন প্রকল্পের আওতায় নির্মাণাধীন উপজেলা পরিষদ সম্প্রসারিত ভবনের পঞ্চম তলায় নির্মাণাধীন “উপজেলা সেবা ও তথ্য প্রযুক্তি প্রশিক্ষণ কেন্দ্র” নির্মাণের নিমিত্ত উপজেলা পরিষদ কমপ্লেক্স ভবনের ৪র্থ তলার ছাদের চিলেকোঠা, প্যারাপেট ওয়াল ও ছাউনি ভেঙ্গে মালামালসমূহ স্থাপাকারে সংরক্ষণ করা হয়েছে। সংরক্ষিত মালামালসমূহ দীর্ঘ দিন যাবৎ পড়ে থাকায় বড় একটি অংশ বিনষ্ট হওয়ার উপক্রম হয়েছে, যা নিলামে বিক্রয় করা প্রয়োজন। তিনি উপ-সহকারী প্রকৌশলী জনাব ইকবাল হোসাইন কর্তৃক মালামালসমূহ সরেজমিনে পরিদর্শন পূর্বক বাস্তবতার নিরীখে প্রস্তুতকৃত ১০,০৬৪/- (দশ হাজার চৌষটি) টাকার প্রাক্কলন উপস্থাপন করেন। এছাড়াও উপজেলা প্রকৌশল বিভাগের আওতায় অন্যান্য কাজ স্বাভাবিকভাবে চলছে বলে সভাকে জানান।		(১) এডিপি কর্মসূচির আওতায় ২০২৫-২৬ অর্থবছরে বাস্তবায়নযোগ্য প্রকল্পের অগ্রাধিকার তালিকা প্রণয়নের সিদ্ধান্ত গৃহীত হয়। (২) উপজেলা পরিষদের অভ্যন্তরস্থ বিভিন্ন আবাসিক ভবন মেরামত ও সংস্কার প্রকল্পের প্রস্তুতকৃত ২,০০,০০০/- (দুই লক্ষ) টাকার প্রাক্কলন অনুমোদন ও পিআইসি কমিটির মাধ্যমে প্রকল্পের বাস্তবায়নে সর্বসম্মতিক্রমে সিদ্ধান্ত গৃহীত হয়। (৩) উপজেলা সেবা ও তথ্য প্রযুক্তি প্রশিক্ষণ কেন্দ্র নির্মাণের নিমিত্ত উপজেলা পরিষদ কমপ্লেক্স ভবনের ৪র্থ তলার ছাদের চিলেকোঠা, প্যারাপেট ওয়াল ও ছাউনি ভাঙ্গার মালামালসমূহ স্থাপাকারে সংরক্ষণকৃত মালামাল নিলামে বিক্রয়ের জন্য প্রস্তুতকৃত প্রাক্কলিতমূল্য-১০,০৬৪/- অনুমোদন করা হয় এবং নিলামের বিষয়ে উপজেলা প্রকৌশলী, নকলা, শেরপুরকে পরবর্তী প্রয়োজনীয় ব্যবস্থা গ্রহণের জন্য সভায় সর্বসম্মতিক্রমে সিদ্ধান্ত গৃহীত হয়।	প্রশাসক, উপজেলা পরিষদ, নকলা, শেরপুর ও উপজেলা প্রকৌশলী, এলজিইডি, নকলা, শেরপুর

চলমান পাতা-০৫

চলমান পাতা-০৫

২০	উপজেলা বন বিভাগ: ডেপুটি রেঞ্জার, নকলা, শেরপুর সভায় জানান যে, নকলা উপজেলায় অবৈধভাবে অসংখ্য করাতকল পরিচালিত করা হচ্ছে। করাতকল গুলি নির্ধারিত তালিকা নেই। কলাতকলসমূহ সরকারি অনুমোদন ছাড়াই চলছে। করাতকলসমূহের তালিকা প্রস্তুত করে লাইসেন্স প্রদানের লক্ষ্যে সকলের সহযোগিতা চাই। এছাড়া অত্র বিভাগের কার্যক্রম স্বাভাবিকভাবে চলছে।	নির্ধারিত আইন-বিধি মোতাবেক করাতকলসমূহের তালিকা প্রস্তুত ও লাইসেন্স প্রদানের জন্য সিদ্ধান্ত গৃহীত হয়।	ডেপুটি রেঞ্জার, নকলা, শেরপুর
২১	পাট ও বস্ত্র অধিদপ্তর, উপসহকারী পাট উন্নয়ন কর্মকর্তা, নকলা শেরপুর সভায় জানান যে, উন্নত প্রযুক্তি নির্ভর পাট ও পাট বীজ উৎপাদন এবং সম্প্রসারণ প্রকল্পের আওতায় ২০২৫-২৬ অর্থবছরে নকলা উপজেলায় নির্বাচিত ৩০০ জন পাট বীজ উৎপাদনকারীর চাষীয় মাঝে ২০০ গ্রাম করে সর্বমোট-৬০ কেজি পাট বীজের বরাদ্দ পাওয়া গেছে। উক্ত পাট বীজ চাষীদের মাঝে বিনামূল্যে বিতরণের কাজ চলমান। ২০২৫-২০২৬ অর্থবছরে পাট বীজ উৎপাদনকারী ৩০০ জন মধ্যে হতে ৭৫ জন চাষীকে ট্রেনিং করানোর জন্য বরাদ্দ পাওয়া গেছে। ট্রেনিং করার জন্য চাষীদের নামের তালিকা প্রস্তুত করা হবে। অন্যান্য কার্যক্রম স্বাভাবিকভাবে চলছে।	(১) পাট চাষীদের সঠিক পরামর্শ প্রদানসহ বিভাগীয় কার্যক্রম সুষ্ঠুভাবে পরিচালনা করার জন্য অনুরোধ জানানো হয়। (২) পাট চাষীদের মধ্যে বিনামূল্যে বীজ ও সার বিতরণ এবং প্রশিক্ষণ প্রদানের সিদ্ধান্ত গৃহীত হয়।	উপসহকারী পাট উন্নয়ন কর্মকর্তা, নকলা শেরপুর
	শাখা ব্যবস্থাপক(সিনিয়র অফিসার) পল্লী সঞ্চয় ব্যাংক, নকলা, শেরপুর সভায় জানান যে, অত্র উপজেলায় ০৯টি ইউনিয়নের মোট সমিতি সংখ্যা-২৮৩টি, মোট সদস্য-১৩৮১৯ জন, ঋণ বিতরণ-২৮.৮৩(কোটি) টাকা, নতুন সদস্য ভর্তি লক্ষ্যমাত্রা-৬৯৩ জন, মোট কিস্তি আদায় লক্ষ্যমাত্রা-৩৩.৫২ (কোটি) টাকা, মোট সঞ্চয় আদায় লক্ষ্যমাত্রা-২.৩৩ (কোটি) টাকা, মোট ঋণ বিতরণ লক্ষ্যমাত্রা-২২.০৫ (কোটি) টাকা। অন্যান্য কার্যক্রম স্বাভাবিকভাবে চলছে।	বিধি মোতাবেক সকল কার্যক্রম পরিচালনা করার সিদ্ধান্ত গৃহীত হয়।	
২০	ইউনিয়ন পরিষদের কার্যক্রম সংক্রান্ত: উপস্থিত ইউপি চেয়ারম্যানগণ বলেন, ইউনিয়ন পরিষদের কার্যক্রম স্বাভাবিকভাবে চলছে।	(১) ইউনিয়ন পরিষদ ম্যানুয়েল এবং নির্ধারিত বিধি অনুসারে কার্যক্রম পরিচালনা করার সিদ্ধান্ত গৃহীত হয়। (২) ইউনিয়ন পরিষদের রাজস্ব আয় বৃদ্ধির লক্ষ্যে কার্যকর ব্যবস্থা গ্রহণ করার সিদ্ধান্ত গৃহীত হয়।	চেয়ারম্যান, ইউপি (সকল)
২১	জন্ম ও মৃত্যু নিবন্ধন: উপজেলা নির্বাহী অফিসার সভায় জানান যে, ০-৪৫ দিনের মধ্যে জন্ম ও মৃত্যু নিবন্ধন বাধ্যতামূলক করা হয়েছে। তবে নকলার জন্ম ও মৃত্যু নিবন্ধনের হার সন্তোষজনক নয়। তিনি ০-১ বছর বয়সী সফল শিশুর তালিকা প্রণয়নপূর্বক জন্ম নিবন্ধন নিশ্চিত করার জন্য উপজেলা পরিবার পরিকল্পনা কর্মকর্তা, ইউনিয়ন পরিষদের চেয়ারম্যান, ইউনিয়ন পরিষদ প্রশাসনিক কর্মকর্তা ও পৌরসভাসহ সংশ্লিষ্ট কর্মচারীকে অনুরোধ করেন। তিনি বলেন, সরকারি নির্দেশনা মোতাবেক ০-৪৫ দিনের মধ্যে শিশুর জন্ম নিবন্ধন সম্পন্ন করতে হবে। এছাড়া মৃত্যুর সংবাদ পাওয়ার সাথে সাথে দ্রুততার সাথে ৪৫ দিনের মধ্যে মৃত্যু নিবন্ধন সম্পন্ন করতে হবে।	(১) জন্ম ও মৃত্যু নিবন্ধনের লক্ষ্যমাত্রা শতাংশ অর্জনের লক্ষ্যে কার্যকর ব্যবস্থা গ্রহণের সিদ্ধান্ত গৃহীত হয়। (২) প্রত্যেক ইউনিয়নে গ্রামপুলিশগণ সরেজমিনে গ্রাম/ওয়ার্ড হতে তথ্য সংগ্রহপূর্বক রেজিস্টারে লিপিবদ্ধ করে ইউপি প্রশাসনিক কর্মকর্তার নিকট দাখিল করবেন। (৩) গর্ভবর্তী মহিলা এবং প্রসূতি মায়ের তথ্য পরিবার পরিকল্পনা বিভাগ ও স্বাস্থ্য বিভাগ কর্তৃক ইউনিয়ন/পৌরসভায় সরবরাহ করা হবে মর্মে সিদ্ধান্ত গৃহীত হয়।	প্রশাসক, নকলা পৌরসভা, শেরপুর/ উপজেলা পরিবার পরিকল্পনা কর্তৃক/ উপজেলা স্বাস্থ্য ও পরিবার পরিকল্পনা অফিসার/ ইউপি চেয়ারম্যান, (সকল)/ ইউপি প্রশাসনিক কর্মকর্তা, নকলা, শেরপুর

২২. বিবিধ : (ক) উপজেলা নির্বাহী অফিসার, নকলা, সভায় জানান যে, উপজেলা পরিষদের মাসিক সভা ফলপ্রসূ ও কার্যকর করার জন্য সংশ্লিষ্ট সকল বিভাগ হতে গৃহীত সিদ্ধান্তের বাস্তবায়ন অগ্রগতি প্রতিবেদন ও কার্যপত্র যথাসময়ে উপজেলা নির্বাহী অফিসারের কার্যালয়ে প্রেরণ করা প্রয়োজন।

সিদ্ধান্ত: প্রতিটি দপ্তর হতে সভার সিদ্ধান্ত বাস্তবায়ন অগ্রগতি প্রতিবেদন ও কার্যপত্রের হার্ডকপি ও সফটকপি সভার নির্ধারিত তারিখের কমপক্ষে ০৩(তিন) কার্যদিবসের পূর্বে প্রেরণ করার সিদ্ধান্ত গৃহীত হয়।

বাস্তবায়নে: উপজেলার সংশ্লিষ্ট বিভাগ/দপ্তরের প্রধানগণ।

(খ) চলতি মাসের উপজেলা পরিষদের আপ্যায়ন, আনুষঙ্গিক খরচ ও অন্যান্য বিল রাজস্ব তহবিল হতে পরিশোধের বিষয়ে সভায় উপস্থাপন করা হয়।

ক্রম	ব্যয়ের বিবরণী	টাকার পরিমাণ
০১	উপজেলা পরিষদের দৈনিক হাজিরা ভিত্তিতে নিয়োজিত শ্রমিক জনাব মোঃ ফারুক মিয়া, মালী এর আগস্ট/২০২৫ মাসের ২২দিনের মজুরি বিল	১৫,৪০০/-
০২	উপজেলা পরিষদের দৈনিক হাজিরা ভিত্তিতে নিয়োজিত শ্রমিক জনাব গোলাম মোস্তফা, সুইপার এর আগস্ট/২০২৫ মাসের ২২দিনের মজুরি বিল	১৫,৪০০/-
০৩	উপজেলা পরিষদের আগস্ট/২০২৫ মাসের আপ্যায়ন ব্যয় বিল	১৫,০০০/-
০৪	উপজেলা পরিষদের আগস্ট/২০২৫ মাসের আপ্যায়ন ব্যয় বিল	১৫,০০০/-
০৫	উপজেলা পরিষদের আগস্ট/২০২৫ মাসের ইন্টারনেট ব্যয় বিল	৪,৫০০/-

০৬	উপজেলা পরিষদের আগস্ট/২০২৫ মাসের আনুমানিক ব্যয় বাবদ বিল	৫,০০০/-
০৭	উপজেলা পরিষদের কোয়ার্টারের ছাদসহ চারপার্শ্বের আগাছা পরিষ্কার ও গাছের ডালপালা কর্তনের মজুরি বাবদ বিল	১০,৮০০/-
০৮	উপজেলা পরিষদের অভ্যন্তরস্থ উপজেলা নির্বাহী অফিসারের বাসভবন সংলগ্ন পুকুরসহ পাড়ের আগাছা ও গাছের ডালপালা কর্তনের মজুরি বাবদ বিল	২৪,৬০০/-
০৯	উপজেলা পরিষদের সেবাগ্রহীতাদের বসার জন্য অফিসের বারান্দায় চেয়ার স্থাপন ও মেরামত বাবদ বিল	২৪,৬০০/-

সিদ্ধান্তঃ এ বিষয়ে সভায় বিস্তারিত আলোচনান্তে উপজেলা পরিষদ রাজস্ব তহবিল হতে উল্লিখিত বিল পরিশোধে সর্বসম্মতিক্রমে অনুমোদন/ব্যয়োক্তর অনুমোদন দেয়া হয়।

সভায় আর কোন আলোচনা না থাকায় সভাপতি উপস্থিত সকলকে ধন্যবাদ জানিয়ে সভার সমাপ্তি ঘোষণা করেন।

Alm
২৫/০২/২০২৫

মোঃ জাহাঙ্গীর আলম
প্রশাসক
উপজেলা পরিষদ
ও
উপজেলা নির্বাহী অফিসার
নকলা, শেরপুর

তারিখ : ১০ আশ্বিন ১৪৩২
২৫ সেপ্টেম্বর ২০২৫ খ্রি.

স্মারক নং- ০৫.৪৫.৮৯৬৭.০০০.০০০.০৬.০০০১.২৫-

অনুলিপি : সদয় জ্ঞাতার্থে/কার্যার্থে-

১। বিভাগীয় কমিশনার, ময়মনসিংহ বিভাগ, ময়মনসিংহ

২। জেলা প্রশাসক, শেরপুর

৩। উপপরিচালক, স্থানীয় সরকার, শেরপুর

৪। প্রশাসক, নকলা পৌরসভা, শেরপুর

৫। উপজেলা ----- কর্মকর্তা, নকলা, শেরপুর

৬। চেয়ারম্যান ----- ইউনিয়ন পরিষদ (সকল), নকলা, শেরপুর

৭। জনাব -----

৮। অফিস কপি

Alm
২৫/০২/২০২৫
উপজেলা নির্বাহী অফিসার
নকলা, শেরপুর